



UNIVERSITÄTS-
BIBLIOTHEK
PADERBORN

Universitätsbibliothek Paderborn


**Dem hochwirdigsten in Got Vatter vnd Herrn/ herrn
Herman Ertzbischoffen zu Cöllen/ des heilige[n]
Römschen Reichs durch Jtalien Ertzcantlern vnd
Churfursten ... vnserm gnedigsten Herren**

Hermann <V., Köln, Erzbischof>

[Köln], [1544]

VD16 K 1790

urn:nbn:de:hbz:466:1-35013



Th. 1440a.

1. Caroli V edictum ꝑ. novatores, Worms 1521
2. —"— Lupflura dñi Coluani dñi
Subj. Kol. Lantz zu bliben C. 1544,
3. Lantz des Capitul des Capitul z C. 1544
4. Duz Palb. manufal dñi Fabijst, dñi
Jurisdiction abjurjst, mit
dñm erkennet.
5. Appellatio Coloniensium in @ Reliq. 44
6. des Capitul zu dñi Fabijst. 25 Oct. 44,
7. Citatio Imperatoris ꝑ. Archiep. Col. 45
8. Appellatio Archiepiscopi,
9. Citatio Curie Rom. ꝑ. Archiep.
10. Responsio cleri Col ꝑ. appel. Archiep.
11. Caroli V. Dignitat dñi Colu.
12. Jo Cochleus ad Caput. Col. 1. Aug 45.
13. Herrn Archiep. ad Wormatenses
14. idem ad Imp. Carolum V.
14. Cochleus pro Roffensi et Thoma
Moro
15. Capitul zu C zu dñi dñi dñi dñi
8 Aug 45
16. Duz Palb. zu dñi dñi dñi dñi
17 Nov 45

die alte Nummerierung ist falsch.

Insgesamt 30 Stücke

St. Gallen, Bern
April 1857

17. Dat. Decembris 3^o C. pro Anst. d.
prope d. n. Curia Landau, 7 Dec. 45

18. Sententia Nuntii ap. pro
Capitulo V. Decanum.

19. Infirmatione d. n. d. n. in allig.
Thoma in d. n. Decembris
und d. n. d. n. d. n.

Dem hochwürdigsten in Got
Vatter vnd Herrn/ herrn Herman Erzbischoffen
zu Cöllen/ des heilige Römischen Reichs durch Italien Erz-
cantzlern vnd Churfursten/ Hertzogen in Westpha-
len vnd Engern/ Administrator zu Pater-
born. etc. vnserm gnedigsten Herren.

Hochwürdigster Churfurst/ gnädigster Herr/
E. Chur. S. seind vnser demötig gebet gegen Got/ vñ vnderthe-
niger dienst bereit/ fleiß/ in aller gebür/ zuuor. E. Chur. S.
schrieffen/ inn dere eyner/ dieselbig vff vnserere letzlige münd-
lige vñ schrieffliche beschene ersüchung antwort geben/ mit an-
gehenccker expletüg/ 2c. In der andern aber/ an vns gesynnen
thüt/ vnserere gethane Appellation/ in ansehung berürts ired
expletens/ fallē zu lassen/ Mit angeheffter warnung/ wa wy
das nit theten 2c. weitem inhalt/ habē wy vndertheniglich
empfangen/ vñ neben der Pöblichē Vniuersitet diser Stadt
(dweil nū mehe dise sachen vns semplich belangen) nit on
höchste beswerniß vnser aller gemüter/ verstanden. Vnd sol-
len darauß E. Chur. S. hin wider zu vndertheniger antwort
nit verhaltē/ das wir zwar von der gnaden Gottes vns wol zu
berichtē wissen/ das vns aller ding nit gebürē wült/ E. Chur.
S.ichts/ das der hohen Pöblichē Maiestat/ vñ dem warē wort
Gottes (vor dem wy mit aller demütigster eh: expletung vns
billich neigen vñ bückē sollen) verletzlich/ oder auch E. Chur.
S. gewissen zu wid/ vñ in ired thün nit wer/ wissenlich anzu-
mütē/ vnd also vnserere eigen begirden vñ leben/ Gots gebot vor
zu setzen/ Wöllen got den almechtigen bittē/ vns vor solchem
(auch nur zu gedencfē) gnediglich zu behütē. So wöllen wir
auch ie vngern wid E. Ch. S. in disem ired alter ichts vngüt-
lichs/ das ir zu einiger billicher beswerniß reichē möcht/ oder
ichts vnrichtlichs in einig weg/ vnd sonderlich bei dere vnder-
thanen vnd verwantē/ offentlich oder heimlich handeln odder
practisiren/ vil weniger einiger geschwindigkeit gebrauchen/
a oder

oder vrsach geben/darauff disen Eöblichen Ertzstiffe einiger
nachteil oder schad(dweil vns derselbig ie mit ergreifen wur
de) vnsernthalben kunfftig zubeforgen. Dan gnedigster herr/
war ist/ das wir inwendig dieser zweier iar/ zu gantz offma-
len E. Chur. S. in aller demüt vnd vnderthenigs fleiß ange-
zeigte habē/wie dz dieselb zwei ding/in der aller höchsten sachē/
vnser heyliger Christlicher vnd Catholischer Religion(daran
vnser selen seligkeit hängt) durch bösen Rath vor sich genom-
men/die ir dermassen zu handeln nitt gebürt/darumb woz
schuldig weren/ vmb abschaffung derselbige dinge E. Churf.
S. getreuwes fleisses zubefuchen vnd zu bitten. Das erst ist/
das in E. Chur. S. macht vn̄ gewalt nit gewesen/nach dere ge-
zymbe hat/die frembde neuwe vnd vnberte Predicantē/der
massen/wie beschehn/durch diesen Ertzstiffe zu predigen vff-
zustellen/vn̄ vil weniger durch die selben/oder sunst vor sich al-
lein/vnd on vnsern vorgehabtē Rath/ vsserhalb eyns Prouin-
cial Concilij/ einige neuwe Kirchenordnung/ sonderlich E.
Chur. S. Prouincial beweilgter Reformation zu wider/an-
zurichtē. Das ander/wan gleich E. Chur. S. in dem etwas on
vns zu thun macht gehabt/wie doch nit ist/dz gleichwol in sol-
chem fall/onleugbar vnd offentlich am tage/das irer predican-
ten lehr/ der Catholischer lehr/ algemeiner Christlicher Kyr-
chen(die vns Got dem herren geberet hatt) widerwerdig/ das
auch ir gestelte bedenccken gnanter Reformation/ dermass be-
funden sey/ das darein keins wegs zubewilligē. Solche beyde
Artickel/habē wir auch E. Chur. S. nit bloß vn̄ vnzeitlich on
grunde vorgehaltē/ sonder das dem also sey/ durch die Eöbli-
che schrifft/ vnd dar zu die algemeine Tradition der Aposto-
lischer vnd Catholischer Kyrchē(welche beyde stuck/ zuerhal-
tung der Christlicher gemeind sãmpelich von nöten) oberflus-
sig/vnnd mehr dan gnügsamlich erweist. Ziehn vns des/so vil
den ersten Artickel berürt/vff den schrifftlichen bericht/den
woz in anfang dieses zweyspalts/ Anno xliij. Sabbato iij. Fe-
buarij Eurer Churfurst. S. vff ire gesynnen vnderthenig-
lich zügesant haben/ also intituliert: *Sententia delectorum per
uenerabile Capitulum Ecclesie Colonien. de uocatione Martini Bucerii.*
Zu

Zudem vff die lange antwort/die wir vff die iungste werbung
doctoris Omphalij/der begexter steuthalber E. Chur. S. behendi-
gen lassen haben/ Vnd nū letzlich vff den inhalt/ vnnnd vrsa-
chen berürter vnser Appellation ingeleibe. So vil aber denn
andern Artickel berürt/ vff das *Judicium Cleri & Vniuersitatis*,
de doctrina Buceri/ vnnnd andere vielseilige vnserer berichelige
schriffen/ vnnnd sonderlich vnsern Christlichen vnnnd Catho-
lische GEGENBERICHT Vnd dweil wy? dan noch nit
anders wissen/ noch durch E. Churfur. gn. berichte seindt/ dan
das alles was in bemelten vnsern berichtungen angezogen/
der heyligen geschriff vnnnd Apostolischer Tradition gemäß
sey/ So haben wy? mit gutem gewissen/ wie wy? solchs vns
schuldig erkent/ Euwer Churfurst. S. vmb abschaffung be-
melter beyder Artickel empsiges vnnnd vnderthenigs fleiß er-
sucht vnd gebetten/ Vnd wissen noch nit anders/ dan das sol-
che vnser bitt/ nit vor vngölich/ sonder vor Christlich/ hochbil-
lich/ wolthünlich/ nöttig vnd vnuermeylich zuhalten/ vñ de-
re billych stadt zu geben sey/ vnnnd zweyffeln nit/ so Euwer
Churfur. gna. bemelte vnserer schriffen/ vnd vnderrichtun-
gen eigener Person/ mit fleiß besichtiget/ durchlesen/ vnd ge-
gen die heylige geschriff vnnnd Catholische Tradition/ daruff
sich die selben referieren conferiert/ vnd der notturfft erwe-
gen/ vnd sich nit durch andere die alles was wy? sagē vnd schrei-
ben verkeren/ des einhalts berürter vnser schriffen/ berichten
lassen hetten/ sie solten vorlangt vnser notwendigen vnd ge-
treuwen bitt stadt geben haben/ vnd mit vns iren gelidderen
in Christo widderumb einig gewesen sein/ Wy? spüren aber/
noch alles leyder/ das Euwer Churfur. S. vff irer ingebilter
meynung vnd vorsatz beharren/ vnd daruff gehen/ als hetten
sie irs thuns allenthalb gute vnnnd billige vrsachen gehabt/
Sonderlich von des wegen/ das wy? vff gehaltenen Landtra-
gen/ sie vmb ware Christliche Reformation gebetten/ vnnnd
damit bekant/ das nit alles was in vnser hergebrachtter Re-
ligion ingerissen/ Christlich vñ Apostolisch/ das auch die vo-
rige Reformation in Euwer Chur. S. Prouinciali Concilio vff-
gerichte vnd publiciert/ zu recht warer vnd Christlicher ver-
a ij beste.

besserung/wie gebetten/ nitt gnügsam were. Zu dem das Cur-
wer Churf. S. an vnsern des Thomcapittels gesandtē geson-
nen/ das sie etliche nebe den iren/ vnd der Landtschafft verord-
nen solten/ vmb die gnante Reformation zuberatschlagē/ vnd
sich dere zuuergleichenn/ Das aber die vnserē/ solichs hinder
sich brengē habē wollē/ vnd das die Stendē enlich das werck
der Reformation E. Churf. S. vertrauwer vnd heimgestellet.
Darumb E. Chur. S. lenger vff einigen mensche züuerziehen
nit gebure hette/it. Nun wissen aber E. Chur. S. sich ie gnedi-
gklich züerinnern/ wie berürte sachen/ sich vff den gehaltenen
Landtagen zugetragenē/ vñ was wir domals vñ mictler weil vff
dis alles vns vnderthenigklich vernemen lassen haben/ Wa-
rer vnd Christlicher Reformation/ seindt wir allezeit begi-
rich gewesen vñ noch/ so fer doch die selbig ordentlicher vñ ge-
bürtlicher weiß vermöge Götlichs worts/ vñ der heiligē Cano-
nes vorgenommē wurde (Das ist in vnserm vñnd dere darzu
gehören beyseyn/ vñ mit gemeynē Rade/) Aber so vil wir vff
E. Chur. S. schrifftē vermirckē/ seint sie vil eins and berichte/
Als nemlich/ wan sie sich nür bedunckē lassen/ das etwas der
heiliger schrifft/ (die doch wie der heilige apostell Petrus be-
zeuge/ vill begreiffē das schwer zu verstehen ist/ vñnd offte vn-
recht verstanden wirt) gemess sey/ das sie dan als bald solichs
nach irem gütduncken/ als gnügsam erlautert vñnd erkant/
on all lenger verziehen vff eynigen menschen/ vnd on ersüch-
ten Rade bey den iren/ ins werck brengen vnd anrichten mö-
gen. Des seint wir aber mit E. Churfur. S. keins wegs einig.
Ist auch der heyliger geschrifft stracks zuwider/ Die außstru-
cklich gebeitet/ das so einiger streit der lehr halb/ vnd vmb des
worts rechten verstande vorfelet/ Concilia zu halten/ vñnd
Christliche beykunfft zu machen. Dergleichen/ das der ver-
stande vñ vfflegung der schrifft/ nür bey der Christlicher vnd
Catholischer Kyrchē zü sūchē sey (Das ist) bey den hirtē vnd
lehrern so Gotte von zeit der Apostolē seynē Kyrchē vorgeetzt/
damit wir al zūsamē/ in ein leib vñ eynierley glaubē gefügt
würden/ vñnd vns nit hin vnd her weien liessen/ von allerley
wynē der lehr. Vñnd wan solichs nit seyn solt/ so wer ie alles
ver-

vergebens/ das E. Ch. S. so oft vff Reichstägē/ der Religion
sachen halber/ beschliessen habē helfen. Ferrer seint wir nit in
abred/ das vfferhalb der Dogmata/ vnnnd gemeiner lehr vnnnd
Tradition Catholischer Kyrchē (in deren kein gebrech ist/ noch
seyn mag/ dweil der geist Gottes ein geist der warheit ist/ vnd
die Kyrch nie verlassen hat) vil gebrechē böser sitten/ vnd myß-
breuchbey dem ihenen/ so vormal in der Kyrchen/ Christlich
vnd recht verordnet/ durch nit haltung ingerissen. Das aber
zu abtühung derselber/ vnd zu recht warer vnnnd Christlicher
verbesserung (so vil die vorzunemmē in E. Ch. S. gewalt vnd
macht steht) die berürte Prouincial Reformation nit gnüg-
sam seyn solt/ Des habē wir vns niemals vernemmē lassen/
ia haben die selbē zu aller zeit vor gnügsam geachtet/ vnd dar-
umb vff Landtagen vnnnd sünst züoffmalen gebetten/ das E.
Chur. S. die selbige durch gebürliche wege in volnzichung bren-
gen wolt/ Wo aber E. Chur. S. daran einigen mangel hetten/
des wir doch bißher vßerucklich nit verständiget/ das alßdann
ir gelieben wölt/ darumb abermals nach Gottes wort/ eyn
Prouincial Concili außzuschreiben vnnnd zühaltē/ solchen
mangel conciliariter vnd durch gemeynē Radt abzühelffen/
darzū wir vns vnser theils gütwillig erpotten. Das aber ge-
dachte vnser des Thomcapittels gesanten vff dem Landtage
sich beschwert/ sich mit den Stendē über das grosse Büch der
gnanter Reformation zū setzē/ vnd vmb eyn hinder sich bren-
gen gebetten/ das haben sie te nach aller gestalt der höhe vnd
wichtigkeit der sachen/ vnd irs habenden befelhs halb/ daruff
sie abgefertigt/ nöcurfftiglich thün sollē vñ müssen/ Dan ge-
sagt/ das vfferhalb eyns Concilij/ mit denn welcligen Sten-
den/ über die so hohe sach autoritatieue gehandelt werdē möcht/
(das doch die heilige Canones nit zulassen) vñ dz die welclige
Stende sich vff bemeltem Landtage solichs hohen wercks
dermaß hetten vnderziehen wöllen (das sie doch nit gehann/
sonder daruor vndertheniglich gebetten) so hette doch vnsern
gesandten/ keins wegs gebüren wöllen/ on sondern befelh/ vnd
ehe berürt groß vnd langes Büch/ der gebür vnd mit nocturff-
tigem fleiß/ durch vns besichtiget vnd erwegen/ also raw vor

in die hohe Göttliche ding (daran die ewige seligkeit gelegen)
hineinzupflantzen. Darumb sie durch ire bitte/ E. Churf. S.
an nichtem das Christlich vnnnd notturfftlich ist/ vffgehalten
vñ verhindert habē/ In sonderheit da E. C. S. sölicher irer bit
zü lest gnediglich zugefallen/ vnd vns eyne (wiewol fast kur-
tze) Dilation vergunt vnd zugelassen haben/ die gemelt lan-
ges Büch zübesichtigē/ vnnnd daruff vnsern GEGENBE-
RICHT züstellen/ vnnnd den selbigen vor E. Chur. S. vnd
dem vffschuß der Stende (den dieselbig E. Chur. S. über das
Büch zübesichtigen/ wie sie sagen/ verordnen wolten) Wie
wyr dan dem selben (ob wol der vffschuß mütler weil/ vnd dar-
nach niemals darzü verordent) also gethan/ Dar bey auch E.
Churfur. S. geschrieben vnnnd gebetten/ Wie vnser schrifft/
dere datum steht Montags des ersten Octobris/ Anno xliij. in
die lengde vfffürt. Vnnnd hetten darumb vns keins dings we-
niger versehen/ dan das E. Churf. S. in werender/ vergün-
ter Dilation/ vngewartet vnser GEGENBERICHTS/
ir Büch in der Trüch solten volenden/ Vnnnd vilweniger das
selbig vnser GEGENBERICHTS vnerwegen hin vnnnd
wider verschicken/ vnd neben der Keyser. Maiest. vnder Chur
vnnnd Fürsten/ vnnnd andere Stende vff iungst gebaltenem
Reichstag zü Speir vertheylen/ vnd sycher der zeit durch diß
Ertzstift hin vnnnd wider spargieren lassen/ Als doch wie be-
weislich leyder geschehen. Ober das auch die verfürische Pre-
dicanten/ mütler weil nit gefeire/ sonder ie lenger ie geschwin-
der/ ire giftige leh: vnder die leuthe diß Ertzstiftz (vnnnd so-
lichs nit on Euwer Churfurst. Snad befelhschriffteinn der-
wegen vffgangen) schy: müt gewalt zübringen/ vnderstan-
den haben. Gbe nün das alles Euwer Churfurstlich Snad
vff das angezogen bloß vertrauwen/ vnnnd heymstellen irer
weltlicher Stende/ (wölchs doch dieselbige on zweyffel nit an-
ders verstanden/ dann so Euwer Churfurstlich Snad in ge-
horsam der Catholischer Kirchen/ vnnnd irer Gbern/ eyn vn-
beschwerliche vnnnd ordentliche Reformation vornemen) zü
thun gebürt/ Vnnnd obe wyr nit vill mehe vor Gott vnnnd
vnsern Gbern vff der selben entfangen befelhschuldig ge-
we-

wesen/widd die vnordenliche vñ vnzulässige Reformation/
vnsern GEGENBERICHT/ auch an tag zubringē. Vñ
obe also E. Churf. S. in diesem/ vns oder wir sie vorkommen
vnd übereylet/ das gebē wir allen güchertzigē im Herren zube
denckē/ vnd der Bāpslicher heyligkeit/ vnd Key. Ma. an die
wyr Appelliert/ vñ diese vnserē sachē geschobē vnd gestelt ha
ben/ zū erkennen. Als vil nūn ferrer E. Chur. S. erpiecen be
rürt/ das vff dem berüwet/ Das wir nochmals solcē neben den
wellichen Scendē irer Panschafft ecliche Botzforchtige vnd
gelerte männer darzū geben/ Dergleichen E. Churf. S. auch
thūn woltē/ die vortt zūsamē solten sitzen/ die gnante Refor
mation/ sambt dem GEGENBERICHT vor die hande
nemnē/ vnd gegen eynander conferierē/ vnd halten/ vnd sich
vnderstehen zūtergleichen/ auch die Predicantē gegen ire an
cläger/ vñnd sonst nach notturfft verhören. Mit dem anhang/
wes folgens E. Churfur. S. mit Sölicher vnd Apostolischer
schrifft berichte werden mochten/ das irs theils/ odder von den
Predicanten zu vil oder zū wenig beschehen/ das solchs Eu
wer Churf. S. vnbeschwert seyn wölten zubesseren/ ic. Dar
uff mögen E. Churfur. S. wir in vnderthenigkeit nit verhal
ten/ das wir ie vngern eynigē weg/ dardurch wir mit Euwern
Churfur. S. in Christliche eynigkeit/ vñnd verglichung ver
hoffentlich kommē möchtē/ vnd der darzu nit ichtē erschies
lich/ abschlagen vñnd verwerffen solten/ Da wir ie mehe ge
neigt/ vmb solche wege E. Churf. S. alles vnderthenigen fleiß/
wie bißher beschehē/ zū ersuchen. Aber gnedigster herr/ dweill
dise sachē die höchsten vnd allerwichtigsten seyndt/ in denen
nit von hauß oder hoff/ sonder von dem vntzergeneckliche wort
Gottes/ vnd vnzerstörlicher Tradition der Catholischer Kir
chen/ vnd von vnser aller selen seligkeit/ vnd dises Ertzstiffes
gedeien vnd verderben gehandelt wirt/ So wil vns nit weini
ger gebeüren/ dan fleißig vff sehens zu haben/ damit wir nit
durch vnzeitige/ on vortregliche/ vñnd onerschließliche mittel
vnd wege/ die dinge so bereidts vil mehe dan übel stehen/ noch
weiter exulcerieren vnd ärger machen/ vnd das vff vns nit la
den/ das in vnserm thūn nit stehe/ das wie auch kunfftig ge
a iiij gen

gen vnser Ebern nit wisten zu verthädigen. Wir wöllen
ietzonder umbgehē anzuregē zwüschē vnd in was Personen
beyseyn/ vnd an wölichem ort/ vnd vff was form vñ weiß dise
hohe sachen sölle vnd müssen tractiert vñ gehandelt werden/
so sunst ichts güts verhofft werden soll. Allein bitten wir/ das
E. Churf. S. diß gnediglich behertzen wöllen/ vñ vñ beden-
cken/ wie vns doch gebürē wölte/ da wir das Bölich wort/ vñ
die Allgemeyn Tradition/ odder ie zum allerwenigsten den
Posses vñ gebrauch der algemeyner vñ Catholischer Kyr-
chen (den die heylige Aposteln vñ Hirten diser Prouintz/ als
der heilige Maternus/ Seuerinus/ Euergilus/ Cunibertus/
Agilolphus vñ Heribertus/ des Buch *De Ecclesiasticis officijs*
noch hynder vns ist/ diser Kyrchē verlassen/ vñ E. C. S. durch
mittel irer vorfarē überantwort/ vor wöliche wir auch/ wie d
Naboth vor seynen Weyngart/ vnser leben zu setzen schuldig)
vor vns haben/ in dem dan E. Churf. S. Predicanten vns in
so vill wege turbieren vñ verunrühigen/ Das wir in bege-
bung vñ nachlassung desselben/ ehe vñ zu vorderst bemelte
Turbation vñd neuerungen/ wie sich gebürt abgeschafft/
vns gegen gemelte gewaltsame Thäter/ vor den Wellichen
Stenden diß Ertzstiftes/ in die hauptsach vnser heyliger Re-
ligion zu Disputieren eynlassen solten? Es wirt ie vñd beyt
so gerhngen dyng gehandelt/ es habe eyn ieder seynherge-
brachter gewher acht/ Vñd niemands ist/ so doll der sich leiche-
lich seyns Posses begibe/ vñd gepfandē (wie man sagt) zu da-
ge kom. Wie vil weniger vns das gebüren wil/ da die heylige
Decret vñd Canones vermelden/ das vor der handlungē in
der heyliger Religion sachen/ alle vñd vorgenommen gewaltsame
handlungen/ abgeschafft werden sollen. Zum anderen/ In
E. Chur. S. Predicantē bücheren/ die sie von irer lehre offent-
lich haben vñd gehen lassen/ vñ vñd andern in des Weynertz-
hagen büchlein/ das er im selber zugeschrieben/ vñd in Trüch
vñd seynem namen gestelt hatt (wie er gestendig/ von dem
wir auch abermals E. Chur. S. eyn Extract hiebey zu sen-
den) Desgleichen in dem gestelten Buch gnanter Reforma-
tion/ werden vnzellig vill artickele offenbar befunden/ die hie-
bevor

bevor in Allgemeinen vñnd andern Concilijs verdambe seyn.
Das wvz nñ dieselbigen widerumb in zweiffel ziehen/vñnd
(wie man sagt) *sopitos cineres* excitieren vñnd erwecken sölten/
vñnd sonderlich gegen den Schismatischen Predicanten/die
vnser Communion nit sein/darin handlẽ/das were vns zum
allerhöchsten beschwerlich/vñnd nit thüenlich. Vñnd ist zwar
eyns von disen beiden notwendig/Entweder das E. Chur. S.
mit Allgemeiner Christlicher Kirchen vñnd vns schliessen/das
die Ariani/ Aetiani/ Muidiani/ Donatiste/ Iovinianiste/
Vigilantiani/ Iconoclaste/ Berengariani/vñnd dergleichen
Secten/so schvz alle vor tausent iaren Christlich vñnd billich
verdambe/Ketzer gewesen/vñnd dauor noch zu halten/ oder nit.
Schliessen nñ E. Churf. S. mit der Kirchen/wie wvz daran
nit zweyflen/sonderlich in ansehung das sie in irer Ertzbis-
schöffliche Ordination/Anathematisiert vñnd verflucht habẽ/
alle Ketzerey/so sich wider algemeyne Catholische Kirch off-
lenne. So wil sich ie nit weniger gebüren/dan das Euwer
Chur. S. vor allen dyngen/bemelte ire predicanten/die mit al-
berürtẽ Ketzeriẽ vnläugbarlicher stimmẽ/abschaffen. Wie
sölchs alles vñ vnserẽ GEGENBERICHT/vñ vñ confe-
rierung des Epiphaniij/Philastrij/ & *Augustini de hæresibus*,
vñnd dere Concilien vñnd Catholischer Lehrer/so wider bemel-
te secten geschrybẽ haben/gegen die bücher/schriefften vñnd lehr-
der Predicantẽ/offentlich vñnd vnwidersprechlich erscheynet.
Zum dritten/Alles vñnd jedes was vnserm Christlichen GE-
GENBERICHT/inerleybt ist d Schriefft vñ algemeyner
Tradition d Vetter/vñnd des Apostolische Scöls (die E. C. S.
in irer Ordination erwidriglich anzunemmẽ/zu lehren vñnd
zu halten versprochen/vñnd wir auch keins wegs ändern kün-
nen noch mögen) gemess gestellet. Des sich an den GEGEN-
BERICHT gezogen. Nñ were es ie vergeblich das wir mit
den welliche Stendẽ in weitleuffige hädlig vñnd disputation
über das ienige vns einlassen sölte/das wed E. C. S. noch wir
ändern künne noch mögen. So darff es auch vnser theils key-
ner neuer Collation/dan wvz einmal dieselb zum trewlig-
sten vñnd fleisigsten gethan. Hett aber iemantz von den Scen-
a v den

den an einigē Artikel oder punctē desselben GEGENBERICHTS einichen zweiffel oder mangel (des wir noch niemals verstēdige sein) so erpictē wir vns hiemit gegē allermēnt glich/darüber weitem bericht/vñ noturfftigē bescheide zu gebē/Des sich (vnsera verhoffens) ein ieder güchertziger Christē mann wol begnügē lassen wirt/ Vnd damit E. Churf. S. nīgendencckē das wir dieser sachen vor E. Churf. S. wellichen Stenden vor zukommē eynichen scheu tragen/ So habē wir des Dhomcapittels vñ erheischēder vnd vnuermeidlicher noturfft/ in krafft der Erblandvereinung (die vns solichs vñ strücklich gibe) die Landtschafft hieher zu vns erfordert/ inen aller gelegēheit/gütē Christlichē vñ wolbegrüntē berichte/ so vil sie des von vns begerē werdē/ zu thun/ Vnd ferrer mit inen zu radeschlagen/ wie das durch bequeme vñd richtige mittel vnd wege dem verderben/ so über disem Ertzstift hengt/ statlich möge vorkommē werden. Zum vierten/ Nach dem wort vñ E. Chur. S. erpictē vermerckē/ das über die conferierung/ so wir mit den wellichē Stendē/ neben dem verhöz der Predicantē haltē vñ üben soltē/ niemantz anders dan E. Chur. S. rychten vnd erkennē soll/ vnd solchs nit anders dan nach dem blossen Būchstabē der Schrifft (wie sie den nūr vor sich allein verstehē) vñ nit nach algemeinē verstāde der lherer vñ hirtē/ so die Kyrch durch gnad des Herrē gepflantzet/ vñ in eynigkeit vnderhaltē haben. Vnd aber wort/ vñ allen bissher mit E. Ch. S. geübtē vnd gepflegtē handlungen/ vnd sonderlich vñ disē iren letztē schrifftē/ das vñstrücklich vñ öffentlich vermerckt/ das E. Chur. S. bereidt/ das vrtheil vor ir būch gnäter Reformation/ vnd vor ire Predicantē/ wider vns vnd vnsern GEGENBERICHT bey sich beschlossē/ Dweil sie vñstrücklich schreibē/ das sie vñ demselben GEGENBERICHT/ oder auch sunst mit warheit noch nit berichte/ das iches in irer gnanter Reformation begriffen/ oder durch die ire vñffgestellte Predicantē gelehrt/ das dem wort Gottes/ vñ recchte Apostolischer vñ Catholischer lehre zu wider sey. Zu demē/ das sie den Weynertzbagē in seinē schismatische vñ vñfrürischē Articulen/ (so E. Chur. S. iren eigen schriften einverschlossen/ vnd

vnd vns zugeschicket) verthädigē/ ob ie zum allertwenigsten
in darfur der gebür nit ansehen/ So künne wir lederlich bei-
vns erachten/ wie vergeblich vñ vnfurträglich/ ia vns gefähr-
lich/ vnd schympflich/ vnd der sachen Gottes vnd seynes Ky-
rchenn (die wir vnser theils zu verthedingen vff vns/ vnser
pflicht nachgeladen) nachtheylich vnd schädlich were/ vns der
massen in hädlung mit den Wellichē Stendē einzulassenn/
Vnd sonderlich gegen die Schismatiche vnd abtrunnige
Predicanten/ die der heylige Apostel gebeüt zu meyden/ nach
dem sie verstockte vnd verkerete leuch seynde/ durch ir selbst vr-
theil verdampt/ Was söln wir vil schreiben? Eyns wollen vns
E. Chur. S. zu gnadē vnd güte halten. Wie künnen wir gläu-
ben das E. Churf. S. sich durch vns ümber sölt weisen lassen
wöllē/ da wir wissen das sölchs von erstem anfang nie die mey-
nung gewest/ Angesehē das das Büch gnantet Reformation/
dem Trücker zu Bonn zu trücken übergebē/ ehe E. Chur. S.
dasselbig den Stenden vnd vns vorgelegt. Wie dem aber/ Da-
mit ihe an vns nichts mangle/ das zu erlangung Christlich
fridens vñ einigkeit (so der bande der vollkommenheit ist/ dar-
nach wir vff grund vnser hertzē seufftē) in einigē wege dien-
lich/ so thün wir vns vndertheniglich erpieten/ das wan vnd
alspaldt E. C. S. die verfürische Predicantē/ vñ vorgenomme
neuerungē (wie sich nit anders gebürē wil) abgeschafft habē/
alsdan diser sachē halbē mit E. Chur. S. Stendē der gebür zu
handlen/ bericht zu gebē vñ zu nemē/ Eder aber E. Churf. S.
erster Reformation gebürlichē gehorsam zu leistē/ Eder noch-
mals zu eym neuwē Provincial Cöcilü zu verstehē/ daselbst
alles helffen zu handlen/ zurathschlagē/ zubeschliessen vñ ins
werck zu brenge/ was Sölich/ Christlich/ Catholisch vnd bes-
serlich ist. Vnd bittē demnach E. Chur. S. durch den namen
vnser Herren Jesu Christi/ vnd die lieb seynes gespons der
Christlicher Kyrchē/ vmb die er zu versamlē seyn dürbar blüt
versturtz hat/ sie wöllē diesem vnserm hochChristlichē vñ billi-
chē erpiete stad gebē/ Vñ wa eynige ermanung (wie der Apo-
stel sagt) in Christo ist/ wa ein trost d lieb ist/ wa ein gemein-
schafft des geists ist/ wa ein hertzliche lieb vñ barmhertzigkeit
ist/

ist/ so erfülle E. Chur. S. vnser bitt/ das wylt eyns müts werden vnd seyen/ vnd das greulich Schisma dieses Ertzstifts/ sämpelich in Christo dem Fridmacher alles was im hymell vnd erden ist/ vorkommen vnd theilgen mögen.

Sölc aber diß alles bey E. Chur. S. (des wylt vns doch in keynem weg vertrösten wollen) nit stat habē/ vnd E. Chur. S. in kein weiß zuberichtē were/ die beschwerdē in vnser wolbegrünter Appellation abzustellē/ so haben sie selbst wol abzünemen/ das vns hin wider nit gebürē wil von berürtter Appellation abzustehen/ sonder werdē nötwendiglich die mit all den ihenē so derē anhangē werdē/ wie sich gebürt zu Prosequierē gedzungē. Daran vns auch nit verhinderē wirt/ wes E. Ch. S. iunxst zu Speir (wie sie schreibē) der Religion halber offentlich bekant habē mögē/ Dweil sie daselbst on vns vnd die vnserē des Dhomepittels/ ir domals vff ir gesinnē/ wie von alters zugeordnet/ kein neuwe Religion (zum wenigsten als vnser Ertzbischoff) wed annemē noch bekennē haben mögen. Zu dem das der Speirischer Abschiedt vfftrücklich vermeldet/ das nit allein der ein Standt den anderē zu seyner Religion nit brengē oder bewegen sol/ Sonder auch ob siechär negstem Regenspurgischē Reich Abschiede (den E. C. S. als ein Catholisch Churfurst/ diser seite/ durch die ire/ die sich dan auch vff erforderē der Keiserliche Maiestat/ vñ beger der Catholischer Stēde/ zu dem Colloquio brauchē habē lassen/ angenommen habē) darwider gehandelt worden were/ das sölchs alles in krafft ietzberürtts Abschiedes vffgehebt/ vnd vnwirklich seyn soll. Darumb sölcher Abschied bemelte vnserē Appellation mehe rechtfertigen vnd befördern dan behinderē würde. Vnd dweil wir dan in disem den allerlyndestē weg des Rechtes vornemmiē/ vnd vns mit dem was die Päpstliche heyligkeit/ vñ die Keiserliche Maiestat/ E. C. S. Oberrn/ darin erkennen werden/ begnügen lassen wollen/ So seynde wir in ongezwifelter zunsicht E. Ch. S. werden derselbigen (wie sie zu thun schuldig) iren Oberrn zu ehren/ Deferieren/ nichts darwider attentieren oder neuweren/ noch neuweren oder attentieren lassen/ Sonder nebenn vns der erkentniß erwartenn.

Dan

Dan sölten E. Churfur. S. hiegegen durch andere dan allein
rechtmessige mittel trachten/ oder zu handeln vnderstehen/ so
künten wy? doch darumb/ von dem/ was vns Christlich vnnnd
Catholisch bedunckt/ nit abstehen/ Vnnnd müsten des ihenen
was Gott über vns verhängen wurd/ biß zur besserung in im
erwarten/ Vnnnd wöllen dannoche hiemit vns offentlich be-
zeuge haben/ das/ so vß sölichem attentieren dan cyniger wei-
cher onrath vnnnd nachteil disem Ertzstifte (dem E. Chur. S.
zum Hirten/ Wechter/ vnd Verwarer vorgesetz) entstehē wür-
de/ das nit wy? sonder E. Churfur. S. des eyn eynige vsach
seyn wurde. Das haben wy? E. Churf. S. also vndertheniger
vnd dienstlicher meynung vff ir schreiben/ nit verhalten söl-
len. Vnderthenigs vnd höchstes fleiß bitten/ E. Chur. S. wöl-
len dise höhe sachē wol vñ besser bedenckē/ Grem Alter/ vñ di-
sem Ertzstifte ruw schaffen/ vñ vns wider vnse gewissen vnd
diß alles nit beschweren. Des wöllen gegen E. Churf. S. wy?
vns also gentslich vnd ungezweiffelt vercröste/ vnnnd hinwid-
der in aller vnderthenigkeit zu verdienen geflissen seyn.


Datum vnder vnfers des Dhoems/ vnnnd S. Gere-
ons stifter/ vnd der Vniuersiteten der Stadt
Cöllen insiegeln/ am Sambstag den
Kunff vñ zwentzigsten im October/
Anno domini M. D. xliij.


Reuerendiss. P. V.


Deuoti


Capitulum Maioris, necnon Decani
& Capitula, Abbates & Abbatissae
omniū aliarum secundariarum eccle-
siarum, totusq; uniuersalis Clerus.
Necnon Reclor & Vniuersitas gene-
ralis studij ciuitatis Coloniensts.


Faint, illegible text, possibly bleed-through from the reverse side of the page. The text is arranged in several horizontal lines across the page.











E
189

VI 711
Th
1440a